

DISPUTATIO
DE
IVRE PRAEDIATORIO

AVCTORITATE
ILLVSTRIS ICTORVM COLLEGII

PRAESIDE
IO. AVGVSTO BACHIO

IVR. VTR. DOCTORE ET ANTIQ. IVR. PROF. PVBL

AD DISCEPTANDVM PVBLICE

D. XI. APRIL. MDCCCLI

PROPOSITA

AB

AVCTORE

CHRISTIANO GOTTLOB HEYNIO

CHEMNICENSI

LIPSIAE

EX OFFICINA STOPFELIA



OF THE DISTRICT

OF

THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT

OF THE DISTRICT



Cum de iure prædatorio nonnihil commentari
susceperim, facile praeuideo, fore, ut in quo-
rundam hominum reprehensionem incurram,
qui me rem vanam et-inutilem agere existi-
ment, cum eiusmodi argumentum tractandum
sumserim, cuius nullus in nostris negotiis usus, nulla utilitas sit,
nulla, nisi in antiquis libris memoria. Quibus hominibus, ut
hic locus non est diligenti et copiosa oratione respondendi:
ita hoc vnum sufficiat dicere, in his exercitationibus Aca-
demicis hoc potissimum spectari, ut ingenii nostri, diligentiae
et in liberioribus litteris profectum specimen aliquod pu-
blice proponamus; quod cum in rebus, quae ipsis leues et te-
nues videntur, vel maxime fieri possit, non sane reprehendi
debet, si quis adolescens eiusmodi sibi argumentum deligat.
Erunt alii, qui me rem actam agere dicant; cum eiusmodi
causam agam, quae ab Iuene magni ingenii doctrinaeque,
THEODORO GEORG. GRAEVIO, satis iam perorata sit, et
in eo ipso aliquam in me arrogantiam incusent. Sed ne vul-
gare illud dicam:

Nullum esse iam dictum, quod non dictum sit prius,

et me.

Habere bonorum exemplum: quo exemplo mihi

Licere id facere, quod illi fecerunt, putem;

an, ut in omnibus reliquis litteris, ita vero in his praecipue, vnus vnquam aliquis omnia tam diligenter exposuit, ut nihil aliis, quamuis leue, monendum restaret? Ille vero et adulescens fuit, doctus quidem et liberaliter institutus, sed tamen adulescens; et temporum denique Rom. reip. sub Imp. vni- ce rationem habuit, cum tamen huius iuris tum natales et ortus tum progressus et incrementa ad liberam remp. referri debeant. Existimaui itaque me inuenisse, quae dicere possem; neque tamen esse, ut vel GRAEVII, vel aliorum scripta, ope indicum, ut fere fit, exscriberem et compilarem; quae si intelligentibus probauero, id, quod spectassem, mihi assequutus esse videbor:

Si enim quisquam est, qui placere se studeat bonis

Quam plurimis, - -

In his hic auctor nomen profitetur suum.

§. I.

Proposui ratio.

Cum igitur omnis, quae suscipitur aliqua de re scriptio, ratione et ordine instituenda sit; ne incerta vagetur haec disputatio, eam quoque quibusdam finibus coërcere et circumscribere, par esse videtur. Adhibebitur autem a nobis haec ratio, ut iuris praedicatorii naturam et fines primum describamus; deinde, quae ei res, tanquam materia, in qua versaretur, subiectae fuerint, quae potissimum res eo comprehensae, subiiciamus. In quo cum nobis obseruatum sit, a Viris doctis quaedam in hac re propterea minus recte dicta esse, quod ea, quae libera rep. vigerent, non distinguerent satis accurate ab his, quae sublata libertate in remp. inducta essent: nos id potissimum cauebimus, ut diuersa tempora diligenter discernamus, et vtrique reip. sua iura et mores reddamus.

§. II.

S. II.

Iuris praediorum descriptio.

Iuris praediorum cum nulla nobis descriptio a veteribus siue ICtis siue Grammaticis suppeditetur, ea autem necessario constituenda sit, ut Dialectici praecipunt, si quis aliquam sibi rem tractandamumat: in eo elaborandum nobis videtur, ut eius rationem ex auctorum locis exemplisque diligenter consideratis colligamus. In quo tamen illud minus commode cadit, quod pauca reperiuntur loca veterum huiusmodi, in quibus huius Iuris mentio fiat. In hac igitur penuria in consilium vocanda erit vocabuli notatio et formatio, res plerumque admodum incerta illa quidem et periculosa, sed tamen tum aliquantum tuta et firma, si consuetudine loquendi nihil immutatum, sed in etymologiae quasi primordiis perseveratum reperitur. Et olim quidem valde trepidatum est a Viris doctis in constituenda huius Iuris ratione. Plerique esse crediderunt, quod ad praedia quaecunque pertineret. FR. BALDVINO a) quidem Ius praediorum fuisse videtur de condictionibus et servitutibus praediorum, de aquaeductibus, de limitibus et eius generis aliis quaestionibus: et ita accipit in loco CAE- RONIS b): ad quem ABRAMVS significat, se in eadem sententia dicam an errore versari, cum dicit, de Iure praediorum multos titulos in Cod. Iustin. et in Digestis inueniri, v. c. de aqua quotid. et aest. Sed hi nisi vocabuli ratione resellantur, quae admittere nequit eam significationem, at certe confunduntur loco SVETONII c), quem non videntur cogitasse. Qui locus quantum ei rei aduersaretur, senserat haud dubie GOESIVS d) qui tamen istam sententiam, cum reiicere ausus non esset, motus, ut videtur, fragmento CAII *), emollire tentavit, cum dicit: edictum illud non tantum pertinuisse ad praedia, quae publico obligata essent, sed ad quaevis alia. Sed

A 3

etiam

a) de Iurisprud. Muc. p. 15.

b) pro Ballo c. 205.

c) Claud. c. 9.

d) ad c. l.

*) L. 54. de Iur. Dor.

cum moueri illo loco non debuisse, cum postea apparebit, ubi ostendero, eum solum ad praedia publica spectare: tum iam apparet ex hoc, quod ea *quae* ex titulo edicti de praedicatoribus sumta inscribitur, hoc est, de his, qui praedia publico obligata emere, non priuata, consueuerant: de quo paullo infra. Rectius Ius praedictorium doctissimi viri dicunt fuisse illud, quod ad praedia publico obligata pertineret *e*). In quo si existimauerunt, nomen a *praedictis*, quorum bona publico obligata, duci oportere, a Grammatica subtilitate recedere videntur. Quid enim? uti *Senatorium* ius a *Senator*, *Accusatorium* ab *accusator*, *Imperatorium* ab *Imperator* ductum est; ita *praedictorium* a *praedictor* quo minus ducatur, fieri ne vlllo modo potest? non pari ratione ac lege haec iudicabuntur? Ac *Ius Imperatorium* quidem est, quod ad Imperatores pertinet, quo, quid illis facere liceat in vrbe siue obsidenda, siue capta, in induciis faciendis, pacis legibus scribendis, disciplina militari, et suppliciis a milite sumendis, constitutum est. Id quod indicat CICERO *f*): *P. Seruilus quae signa atque ornamenta hostium, vi et virtute capta, belli lege atque Imperatorio Iure sustulit* etc. In quam rem valde facit locus VEGETII *g*): *Classicum item appellatur, quod buccinatores per cornu dicunt. Hoc insigne videtur imperii: quoniam classicum canitur Imperatore praesente, vel cum in militem capitaliter animaduertitur, quia hoc ex imperialibus legibus fieri necesse est.* Porro *Ius accusatorium* dicitur illud, quod decernit, quid accusatori liceat in accusando: v. c. quod habuit potestatem obsignandi domum rei *h*), tabulas rationum poscendi *i*), litem aestimandi etc. *k*) Denique *Ius Senatorium*, quo definitur munus et potestas Senatorum: siue, ut PLINIUS *l*) describit, quod

con-

e) SALMAS. de *Modo Usur.* c. 16. p. 739. GRAEVIUS in *Diff. laud.* Cl. ERNESTI in *Con. v.* *f*) *Verr.* I, 21. *g*) *II*, 27. *h*) *Cic. Verr.* I, 19. *i*) *ib.* c. 23.

k) de quibus V. ABRAM. ad *Cic.* p. Balbo c. 5. et insignem locum p. Flacco c. 6. *l*) in elegantissima *epist.* 14. lib. VIII.

continet, quae potestas referentibus; quod consentibus ius, quae vis magistratibus, quae ceteris libertas; ubi cedendum, ubi resistendum, quod silentii tempus, quis dicendi modus, quae dissidio pugnantium sententiarum, quae executio prioribus aliquid addentium, omnem denique Senatorium morem. Pari ratione etiam *Ius praedictorium*, necesse est, ut sit id, quod ad praedictores pertineat, quoque definiatur, quid illis in bonis reip. obligatorum emtis liceat. Iam vero hanc descriptionem iustam atque idoneam putabimus? Sane: si solum rationem originum siue analogiae sequendam ducamus. Verum tamen tantum abest, ut absolutam eam atque perfectam existimemus, ut potius nimis angusta videatur, quam ut capiat id, quod in loco SVETONII m) legitur, *Senatus pependit e lege praedictoria*. Nam si *lex praedictoria*, e qua bona publica oppignorata vendenda essent, est *Ius praedictorium*, ut Doctiss. Interpretes docent; in quem eundem modum apud PLINIVM n) *Lex* vocatur, quod principio epistolae *Ius Senatorium*; Si igitur haec ita sunt, dicendum est, usu et consuetudine illud ius, ut sit, sensim paullatimque a parvis initiis profectum, magis excreuisse et latius paruisse, complexumque esse et alia, quae in vendendis praediis obseruanda essent, ipsamque adeo venditionem iussisse. E quo fit, ut videatur totum *Ius auctionum publicarum in eo comprehensum fuisse*. Neque, tamen exinde consequens est, ut hoc ius potissimum de praedictis egerit, multoque minus ab iis nomen duxerit suum.

Sed in illo Iure etiam ne de *praedictis praediis* que obligandis sancitum fuit? Ita quidem Doctiss. Viros, v. c. SALMASIVM o) sentire video; quorum auctoritati cum alias lubenter paream, in hac tamen re cunctanter non facere illud non possum. Quamvis enim affirmaverimus *Ius illud tempore et usu tam late circa omnia ad se rapuisse, et accessisse*

m) Claud. g.

n) l. sup. laud. §. 12.

o) de M. V. p. 74.

ei multo plura, quam principio inessent: vt tamen hoc de praedum praediorum quae ratione non aequè affirmare audeam, non tam hoc me mouet, quod nulla veterum auctoritate id stabiliri potest; quanquam et illud mouet; sed quia id plane fieri non potuit. Nam primum Ius praediatricum, vt videbimus, pars fuit Iuris priuati; omnis vero vectigalium locandorum ratio Iuris publici. Igitur ea res non ad Praetorem urb. vt priuatae causae, pertinuit, sed Censuram curae tradita, vel alii Magistratui extra ordinem demandata fuit; ita tamen vt ex Senatus auctoritate omnia fierent. Publicani quidem remissionem petentes Senatum adibant *p*). Apud LIVIUM *q*) *fraus Publicanorum in naufragiis ementiendis* indicata quidem est M. Attilio Praetori, sed eo, vt de ea re ad Senatum referret. Senatus etiam pecuniam ad locanda facta tecta constituebat, *r*) ille enim omnino τῆς εἰσόδου πάσης ἐκράτει, καὶ τῆς ἐξόδου παραπλησίως. Neque vero ius aliquod de praediis praediisque condi poterat, quod perpetuum esset: res enim inconstans et incerta plane, cum, praedes an locupletes sint, non nisi ex amplitudine rei locandae aestimari possit. Illud autem, praedes locupletes praediaque bona esse exigenda, certum est illud quidem; sed, cum e natura cautionis facile intelligatur, non multa praecepta desiderat. Reliqua, qui locupletes praedes, quae bona sint praedia, semper cognitione aliqua indigent. Haec autem Censuram fuit. Quorum omnino regnum erat in vectigalibus. Ipse LIVIUS *s*) quo loco eos primum creatos refert, *vectigalia pop. Rom. sub eorum nutu atque arbitrio esse* ait. Quid? quod eorum tanta erat auctoritas, vt, qua vellent mercede, locare possent *t*). Censores igitur, vt satis constat, cum locandum quid esset, tabulam publice proponebant, in qua ipsum vectigal, quale quantumque esset, quod in tempus, quibus conditionibus locaretur,

p) V. SVET. Caes. c. 20. CIC. ad Attic. I. 18. *q*) lib. XXV, 3. *r*) POLYB. VI, 11.

s) IV, 8. *t*) V. BYRMANN. de Vectig. c. 8.

tur, scriptum erat. Neque dubium est, in iis etiam hanc legem additam fuisse, qui praedes, quae praedia exigenterent. Vbi vero ipsa locatio fiebat, Censor cognoscebat, si iis praediis vel praediis, quae nominabantur, satis cautum reipublicae videretur esse. Igitur praedium praediorumque conditio ex lege locationum spectabatur, eratque iuris publici, neque adeo iure praedatorio contineri potuit.

§. III.

Utrum Ius praedictorium fuerit. Iuris publici an privati

Iam nobis Ius praedictorium paullo diligentius et pressius explicandum venit: si ante quaestiones aliquas constituerimus, ut nobis ad illam rem via sit facilior. Primum itaque hoc quaeritur: Ius praedictorium fuerit ne pars iuris publici an privati. Dubitationem facit, quod in re versatur, in qua summa resp. sita est. Nam iubet praedia, populo obligata, vendi, et inde ei, quod debetur solui. Sed ut privati esse affirmem, me mouet tum ipsa res, tum locus CAII, qui in Dig. legitur L. 54. D. de Iure Dot. inscripta est: *Caius ad Edictum Praetoris vrb. titulo de praedictoribus*. Est igitur Ius praedictorium hoc ipsum caput Edicti honorarii, adeoque Iuris privati. Porro emptio bonorum reip. obligatorum erat haud dubie successio, quae fieret per vniuersitatem, ita ut sectio, quae inter modos ius alterius vniuersum transferendi a IUSTINIANO ponitur ^{u)} Ceterum causae ad aerarium pertinentes haud dubie privato iure utebantur, cum aerarium in ius priuatorum succederet, quemadmodum VLPIANVS *ad Edictum de fisco* ^{x)} demonstrat. Equo fiebat, ut etiam fiscus s. aerarium succedens creditoribus solueret, tantumque retineret, quantum aeri alieno superfuisset ^{y)}.

§. IV.

Ius praedictorium quando et quomodo in remp. Rom. inductum fuerit

Altera quaestio est: Ius praedictorium quando in remp. et quomodo inductum sit. Atque illud quidem dubitari nequit,

^{u)} §. vn. I. de success. Subl. ^{x)} in L. 6. D. de Iure Fisci. ^{y)} L. ii. D. de Iure Fisci. cf. L. 17. D. eod.

quit, non ante istud Ius viguisse, quam publica conducī coepta essent. (Nam ut multae nomine praedes darentur, id non ex antiquissima rep. in qua multa suprema et minima, illa duabus ouibus et bobus triginta, haec oue, irrogabatur, ut constet loco nobilissimo GELLII 2)) Tum igitur, quum vectigalia conducī coepta essent, et praedia publico obligari coeperunt, adeoque et obligata vendi, si reip. quod debebatur, solutum non esset. Vectigalium autem nonnulla, certe portorium, iam sub Regibus instituta esse BVRMANNVS a) docuit, eaque locata esse a primis inde temporibus probabile est. De Sabinarum vectigali, fere est, ut ita existimem e loco LIVII b) *Sulis quoque vendendi arbitrium, quia immenso pretio venibat, in publicum omne sumtum, ademptum priuatis.* Sequor enim lectionem Gronouii et cum eo vltima verba ita explico: non ad hastam locauerunt sociis, sed ad se receptum Patres actoribus publicis mandauerunt. Hoc autem vectigal haud dubie iam ab Anco conditum, qui salinas circa Ostiam fecerat. c) Deinceps cum Rom. resp. cresceret, adeoque vectigalia vehementer aucta essent, magnaue pars ciuium iis conducendis operam daret, adeo ut POLYBIUS d) dicat: *σχεδόν, ὥς ἐπὶς εἰπεῖν, πάντας ἐδεδέσθαι ταῖς ἀναῖς καὶ ταῖς ἐργασίαις ταῖς ἐν τέτρων.* Iuris vtique praediorii frequentem usum fuisse necesse est. Hoc vero, legibus ne certis quibusdam illud ius constituerit, an moribus et usu in remp. venerit, paullo difficilius est ad constituendum. Memoratur quidem in loco notissimo Suetonii *lex praedioria*, sed inde, ut leges scriptae de eo genere fuisse videantur, non efficitur; nam lex est hic idem Ius praediorium, ut iam ante obseruauimus. Moribus itaque et usu in rem publ. venit, in eum fere modum, atque Ius Imperatorium, Senatorium, alia: Pleraque etiam ex communi iure inprimis edictis Praetorum, traducta. Nam illud, quid praediori liceret in praediis emtis, sumi potuit ex eo iure quod

2) Lib. XI. c. 1. v. Inopp.

I. 33. d) VI. 15.

a) de Vectig. p. 50. p. 54.

b) III. 9.

c) Liu.

quod competeret emtoribus bonorum eius, qui creditoribus non soluisset. e) Quod praedia populo obligata vendebantur, mercède, vel pecunia, quae debebatur, non exsoluta, id et reliquo iure fieri debebat, ut pignora et hypothecae distraherentur. Porro quod in locandis vestigalibus praedes et praedia exigerentur, nonne id eis commune fuit cum priuatis negotiis, in quibus etiam praedia oppignorabantur, sponsores et fideiussores dabantur. Cetera arbitrio Censorum permissa, qui tamen superiorum maxime temporum usum sequuti esse videntur. Itaque CICERO f) cum loquitur de iure illo *περιμήσεως*, in venditionibus vel conductionibus, quod ei competeret, cuius periculo res essent, eam consuetudinem vocat. *Vbi illa inquit consuetudo in bonis praedibus praediisque vendendis, omnium Cons. Censorum, Praetorum, Quaestorum denique etc.*

§. V.

Praedes et praedia, quid significant.

Iam ingrediendum nobis illud est, quod polliciti eramus, ut explicemus paullo accuratius totam Iuris Praediorum rationem. Ac primum quidem cum illud praecipisse maxime dixerimus de his, quae praedioribus in emendis praediis reipubl. oppignoratis licita fuerint, non alienum ducimus, praedium praediorumque obligandorum rationem explicare. De qua cum viri docti multa iam docuerint, nos, quibus aliorum serinia compilare animus non est, paucis omni disputatione hac defungi poterimus. Ut igitur de praedibus primum dicamus, de Etymologia huius vocabuli multa a Grammaticis disputata sunt. Quae si hic referre velimus, veremur otio abuti videamur. Ea monere interest, in quibus ab aliis erratum esseprehendimus. Praedem fere a praestando denominatum, volunt antiqui Grammatici. VARRO g) *Sponsor et praes et res neque iidem, neque res, a quibus ii, sed dissimiles. Itaque praes est, qui a magistratu interrogatus, in publicum ut praes-*

B 2.

flet:

e) PATERSON, III. Inst. Tit. 17. f) Verr. I, 54. g) de LL. V. p. 19. ad. Scep.

set : a quo cum respondet dicitur *praes*. FESTVS b) *Manceps* dicitur, qui quid a populo emit conducitur, quia manu subblata significat, se auctorem emtionis esse, qui idem *praes* dicitur, quia tam debet praestare (populo, addunt quidam) quod promissit, quam is, qui pro eo *praes* factus, ubi Viri Docti probante Dacierio, et nuper eruditiss. auctore Thes. L. L. existimant: Festum scripsisse, certe debuisset: *quam is, pro quo praes factus est*. Quod mihi non probandum videtur. Plane enim adversatur Grammatici sententiae, qui hoc vult, *Mancipem* etiam *praedem* dictum, idque iure; *praedem* enim dici a *praestando*, *Mancipem* vero non minus rei publ. praestare teneri, quod promiserit, quam qui pro eo fideiussit. Tandem FESTI BREVIATOR i) : *Praes est is, qui populo se obligat, interrogatus a magistratu, si praes sit, ille respondet: praes*. Iam in loco Varronis obscurum, quid sit, in publicum; et iungi debeant *interrogatus in publicum*, an : *praestare in publicum*. SCALIGER ad Festum ita legit: *interrogatus in publicum an praes est* h. praefens esset. Quod fere sequitur DACIERIVS et GRAEVIVS. l) Sed recte reprehensum a SALMAS. m) qui vel voc. fidem inferendam putat, vel quia Varro a breuiatore Festi exscriptus videatur, legendum ex eo, *interrogatus in publicum ut praes fier* h. an idoneus, locuples sit. Dicit enim *praes* quasi *prae aes* ut *assiduus* ab *asse dando*, et inde etiam esse voc. *praeditus*. Quae notatio, qua uterque sane Grammaticus iuuatur, etiam Graeuio placuit; quod miror. Non enim Scaligeri et Salmasii sententias inter se dissidentes simul amplecti poterat. Mihi quidem in Varronis et Festi locis plane contraria Salmasiana rationi via inuenda videtur. Varro recte se habet. Voluit ille et Etymologiam et τὸ σῆμα λέγειν, ut loquitur libro IV. pr. ostendere: unde dixerat: *neque iidem, neque res, a quibus ii*. Vi et significatione igitur *praedem* intelligi eum, qui a magistratu interrogetur, in publicum ut praestet, h. ut

catcat;

b) in *Manceps*. i) voc. *Praes*. k) voc. *Praes*. l) *Diff. laud.* m) de *M. V. p. 75.*

caueat; *ut praestare* dici haud dubie potest. Non enim *fidem* inserere licet, *ut* placebat Salmasio, quod esset longe alienum. Fidem praestat praes, si aliquando, mancipem non soluente, soluit. Neque vero pro *ut* legendum *an*, quia non magistratus verba sequuntur, sed res ponitur, quae a praede exigitur, tanquam praede. *In publicum*, est publice, vel publico h. aerario reipubl. dictum *ad eum* modum *ut*, *redigere in publicum*. Verba itaque commode explicari possunt: neque Salmasii emendatione indigemus, quae neque loco satis accommodata est. Primum enim illud *in publicum*, non est facile, quo referas. Nec enim *in publicum locupletem esse*, nec, *in publicum interrogari*, bonum sensum habet. Explicata *ut* dixi, vi vocis, addit iam Varro *ἐτυμολογίαν*, a quo *et cum respondet* dicitur praes. Quorsum vero in Salmasiana lectione, *et cum respondet*? A praes h. locuples, sponfor diceretur praes, etiamsi non interrogatus esset et respondisset. Itaque vulgata lectio recte se habet *A quo* h. ab eo, quod praestet ex magistratus voluntate. Pro, *dicitur praes* 105. SCALIGER n) in excusis esse monet: *dicit praes* et ita legendum esse, videri enim dictum *praes* pro *praefecto*. Sed eam vocem hoc significare non posse SALMAS. o) fuisse docuit. Quod vero ad Paullum Festi brevitatorem attinet, ille aut corruptus est, et scripsit fortasse: *interrogatusque a magistratu, ut praestet, si respondeat, dicitur praes*, aut siue Varro- nem siue Festum male truncavit. Hunc enim praedem etiam a praestando duxisse, ex altero illo loco voc. *Manceps*, qui est Festi, apparet. Praedem autem proprie ipsum Mancipem quippe *ἐνχαλκον*, locupletem dictum fuisse, ex laudato Festi loco observant SALMAS. p) GRAEV. q). In quo mireris licet inconstantiam vsus loquendi, qui cum illud nomen cum fideiussoribus primum communicasset, postea his proprium esse voluit, mancipibus autem plane abrogavit. Praedes vero non quicumque in causa publica a Magistratu, sed idonei et locupletes probabantur h. quibus reipubl. satis cautum esset, si Manceps

n) in Coniect. ad Varr. p. 89.

o) de M. V. II.

p) de M. V. p. 693.

q) II.

soluere non posset: quorum praedium etiam obligata quoque reipubl. praedia erant, uti Mancupum, tamen ut videtur, non tam praedia aliqua certa designabantur, uti de illis modo videbimus, quam omnino bonis suis cauebant, se Mancupum vicem suscepturos esse. Nam emptor non solum aliorum sponsonibus verum et suis ipsius bonis, suis praediis cauere debebat. Praedia vero sunt possessiones, quae publico obligantur seu oppignorantur, a praedibus dicta, unde postea omnes *κλήσεις ὑγγεαι* hoc nomine appellatae r) *praedia dicta item ut praedes a praestando, quod ea pignori data publice mancupes fidem praestent.* Vbi BURMANNVS s) vel legendum existimat, quod iam ANT. AVGVSTINVS coniecerat, *quod eo pignore dato* vel potius cum VERRANIO: *quod ea pignori data mancipibus fidem praestent.* HOTOMANNVM vero t) ita legere video, *quod ea pignori data publica, ni mancupes fidem praestent.* Sed iam cominodius ante Burmannum verba constituerat SALMASIVS u) qui haec verba ita laudat: *quod per ea pignori data, publici mancupes fidem praestent*, in quo tamen publici non praeferam vulgatae. Praedia visa erant maiorem securitatem reipubl. asserre, quam res mobiles, quod fuisse persequitur SALMASIVS x) unde etiam in INSCRIPT. a SALMAS. y) laudata, dicuntur *ἀσφαλείς ὑποθήκαι*. Neque vero quacuis praedia probabantur, sed quae ad cauendum essent idonea: quae de more dicebantur *bona praedia* z). Praediorum itaque conditio haud dubie diligenter inquirebatur, forte etiam iusiurandum a Mancupe interponebatur de eius bonitate. Sed an et illud spectabatur, ut praedia libera essent, h. nemini alii iam opposita? Si quis plura haberet, inde eligebantur quae obliganda essent: quod colligas ex INSCRIPT. NEAP. apud GRVTERVM a) iam a SALMASIO b) et HOTOMANNO c) laudata,

r) SALMAS. de M. V. p. 732. VARRO L. IV. p. 11. s) de Vestig. c. IX. p. 135.
 z) ad CIC. Verr. I. 54. u) de M. V. p. 735. x) M. V. c. 12 ff. y) L. I. p. 94.
 e) V. CIC. Verr. I. 54. et ASCON. a) p. CCVII. b) de M. V. p. 728.
 t) ad CIC. Verr. I. p. 108.

data, in qua: *qui redemerit, praedes dato, praediaque subsignato Duumvirum arbitratu.* (vti GELLIVS d) *Scipio Asiaticus - collegae arbitratu praedes dabit*) *Subsignare praedia* SALMASIVS e) explicat supponere vel hypothecae dare. Sed nihil impedit quo minus ex vulgari vsu accipiatur, vt praedia, quae obligata esse vellent, designanda essent, et nomen subscribendum. Quod etiam magis continetur vltimis legis verbis: *pecuniae dimidia pars dabitur, ubi praedia satis subsignata erunt*; quid enim hoc esset: ubi praedia satis opposita erunt? Cauebatur vero reip. vt vidimus, interdum vtrisque simul et praedibus et praediis, vnde apud CICERONEM f): *praedibus et praediis populo cautum est.* Sed quomodo ista cautio interposita sit, quaeres. Mihi videntur tabulae siue a Magistratu siue a Quactore factae, inque iis et omnis locatio et eius condiciones scriptae et inter alia et praediorum praedumque nomina, ab ipsis vero mancipibus et praedibus subscripta esse; hoc certe patet ex laudata INSCRIPT. NEAP.

§. VI.

Praedes dati in causa priuata.

Iam praedibus praediisque quibus in causis locus fuerit, inquirendum. Et primum quidem hoc reperimus, interdum vtrumque, interdum alterum tantum fuisse exactum. Ac praedes quidem potissimum in causis publicis datos fuisse, et Grammatici veteres et exempla satis docent. Grammaticorum quidem veterum testimonia iam supra commemorauimus. Exempla autem in sequentibus proferentur. Est tamen etiam, ubi a priuatis hominibus priuatis de causis praedes datos reperiamus. Nam in lite vindiciarum quidem pro praede satisfdatum esse, e CICERONE g) constat. E quo existimari potest, praedes in omni causa pecuniaria vel priuata locum habuisse illos quidem olim, id quod etiam AVSONIVS in Monosyllabis tradit notissimo versu:

Quis, cum lis fuerit numaria? quis dabitur? Praes.

Sed

d) VII, 49. e) l. l. f) Verr. I, 54. g) Verr. I, 45. vid. ASCON. ad c. l.

Sed sensum paullatimque usum hac in re ita inualuisse, ut *praedes tantum* in causis publicae pecuniae, excepta una lite vindictiarum, exigenter acciperenturque. Quod fere idem evenit circa *vades*. Nam vas haud dubie olim in omnibus iudiciis etiam privatis datus fuit, qui iudicium sisti promitteret: deinde vero potissimum in iudiciis capitis remansit, raroque in privatis causis memoratur. Ex quo illa, quae inter SALMASIVM *b)* et GRONOVIVM patrem *i)*, de vadibus intercessit dissensio disputatioque, facili negotio componi potest *k)*.

§. VII.

Praedes dari in causis publicis multae nomine.

Et hi quidem dati praedes in causa privata: ceterum fere locus fuit iis in publicis, quod genus multae, et iudicia illa publica in quibus litis aestimatio locum haberet. Vti enim reum iudicio sisti promittebant *vades* *); ita *praedes* iudicatum solui, hoc autem fit in iudiciis quibusdam publicis, in quibus damnatus, quantum iudicatum est, soluere cogitur, et ea *poena* dicitur: Ab hac vero vehementer differre *multam* e nobili fragmento ULPIANI constat *l)*, et quidem inter alia in eo, quod *multa ex arbitrio eius venit, qui multam dicit, poena vero non irrogatur, nisi quae quaque lege vel quo alio iure specialiter huic delicto imposita est: quinimo multa ibi dicitur, ubi specialis poena non est imposita*. Cum igitur multa ad arbitrium accusantis constitueretur, tum ea statim irrogabatur cum dies reo dicere-
tur v. Liu. XXV, 3. et quidem ut videtur in eadem tabula publice proposita. Cum dies adesset, de multa ad populum certabatur, h. e. et accusator et reus causam agebat *m)*. Absoluto reo, etiam multa remissa erat. Cui vero irrogata esset, is praedes poscebatur. GELLIUS *n)* *L. Scipioni Caius Minucius Augurinus Trib. Pl. multam irrogavit, eumque ob eam causam praedes poscebat*. Dandi vero illi *Tr. plebis arbitratu*, ib. in Decreto Trib.

b) de M. V. c. XVI. p. 731 sqq. *i)* Obss. III, 13. ad Liu. III, 13. *k)* v. CL. ERNESTI Clau. Cic. voc. Vas. *) v. LIV. III, 13 illicque I. F. GRONOV. et Inst. ad Epit. Libri XLVIII. SALMAS. de M. V. p. 693. *l)* L. 131. D. de V. S. v. GODEFREDVS Comm. b. 1. *m)* v. Liu. XXV, 3. et XXXVII, 57. *n)* N. A. VII, 19.

Trib. pl. collegæ arbitrato praedes dabo. In quo decreto, paullo post legitur: *de ea re nostrum sententia omnium data est*, sed vereor, ne legendum sit *lata est*, vt in eodém decreto: *Tribunus pl. sententiam de eo tulerit*, h. pronunciarit. *Sententiam dare* aliud est. Nisi placeat, quod Gronou. in codicibus inuenit: *sententia omnium ea est*; ex quo tamen potius ita lectio constituenda: *sententia omnium ea lata est*. Solet enim in antiquis his formulis pronomen frequentari. Itaque debebat eodem loco ex codicibus recipi: *praedesque eum ob eam rem dare cogat*. Sed *multam dicere* cum aliis ius erat magistratibus, tum inprimis Aedilibus o), quanquam hi non praedes poscebant, sed pignora capiebant. Fuit etiam, vt vidimus iam, Tribunis pl. qui ea potestate vsi sunt interdum etiam tum, cum alio iudicio opus erat. Ita M. Acilium Glabrimonem accusant peculatus, quod pecuniae regiae praedaeque aliquantum captae in Antiochi castris neque in triumpho tulisset, neque in aerarium detulisset, et ei multam dixerunt p), vnde etiam, cum quidam auctores, quos GELLIVS q) sequitur, iudicium L. Scipionis ita narrent, vt ei multam a Tribb. pl. irrogatam dicant, id tamen non de alio crimine quam peculatus habitum fuisse existimem. Quamquam vero, vt supra dictum est, multae accusantis s. dicentis arbitrio relictae plerumque reperiuntur, non potest tamen hoc loco negari, fuisse etiam quasdam causas, in quibus iam Leges ipsae de iisdem latae multam definierint. Exemplum est in Lege Cornelia tribunicia ap. CIC. r). Apud MYRATOR. s) est in fragmento Plebisciti: MULTA ESTO IXI--EIVSQVE PECVNIAE POPVLI IVDICIO PETERE VEL IN SACRVM IVDICARE LICET. Ceterum videntur omnino causae illae multaticiae ad populum agendae fuisse t): quo verba POLYBIH pertinent u), κέρναι μὲν ἢ ὁ δῆμος, καὶ διαφόρα πολλάνκις, ἔταν ἀξιοῦσθαι ἢ τὸ τιμῆμα (multa) τῆς ἀδικίας, καὶ μάλιστα τὰς ἐπιφανέας ἐσχάτους ἀρχάς. Docet id et CICERO x): *Cum magistratus iudicasset irrogassitue: per populum multae poenae certatio esto*. Ex legē tamen

Cor-

o) LIV. X. 41. XXXV. 10. TAC. AN. XIII. 28. p) LIV. XXXVII. 57.

q) N. A. VII. 49. r) Ferr. I. Co. s) Thef. Inscr. T. II. p. DLXXXVI. n. 1.

t) v. LIV. XXXVII. 57. u) Hist. VI. u. x) de Leg. III. 3.

Cornelia tribunitia multa petita est apud Praetorem Verrem, cum Tribunus pl. contra eam legem intercessisset y). Quod tamen iudicii genus tam molestum visum est, ut saepe actum in senatu dicat Cicero, ut genus hoc totum multarum ac iudiciorum eiusmodi tolleretur. Ceterum facile est ad intelligendum, praedes dari consuevisse, tantum in iis causis, in quibus lis aestimata esset, quale est iudicium repetundarum, residuorum, peculatus etc. Et in hoc quidem peculatus iudicio, praedes datos constat exemplo insigni L. Scipionis Asiatici, quem eo crimine accusatum tradit LIVIUS z). Damnati itaque simili iudicio cogebantur restituere eam pecuniam, cuius nomine postulati erant. Litem, uti notum, aestimabant accusatores; damnato reo, iudicatum exigebat quaesitor, et solutum iri, praedes poscebat. Quo facto omnis res ad Quaestorum curam spectabat: multa enim ista in aerarium, cui praeerant, redigebatur. Praedes, quos quisque ad fideiubendum pro se excitauerat, ad eos deducti, horumque nomina in tabulas fuisse publicas notata videntur a). Neque tamen eorum etiam hoc fuisse puto, ut iudicarent, praedes an locupletes essent et idonei. Sine dubio id Quaesitor dispiciebat: uti ap. GELLIVM b) *Tribuni pleb. arbitrato praedes dantur*: h. ut ab eo tot et eiusmodi exigi posset, donec reipubl. satis cautum videretur. Praedes tum dicuntur *recipere*. ASCONIVS: *Recipitur pecunia, h. promittitur, cum de iudicato respondetur*. ita Graeci ἀρἀξουσιν c). Vbi praedes dati, dies videtur dictus esse, intra quem reus iudicatum solueret: Quod si non faceret, ipsius rei bona vendita et praedis. Qui praedes aut dare nollet, et omnino sententiae non pareret, ut SCIPIO d) aut non inueniret, is ubi in vincula ductus esset, eius bona vendebantur, et ex iis quod iudicatum erat, redigebatur. Id Quaestoris curae demandatum e). Ita fere miseri bonis exuebantur; unde si quis euenturum videbat, ut ad lucendam aestimationem litis bona omnia sibi eriperentur, soluta mutabat exilii causa, cum sibi videret in ea civitate locum non esse, in qua omnia vitae

y) CICERO. *Verr. I, 60.* z) XXXVIII, 52.

a) LIV. XXXVIII, 58.

b) I. c.

c) V. SALMAS. *de M. V. p. 721.*

d) LIV. I. I.

e) LIV. XXXVIII, 60.

vitae ornamenta per summum dedecus et ignominiam erepta essent *f*). Si die dicta non responderent; damnabantur, et bona vendebantur: cuius tum alia exempla sunt, tum CAMILLI *g*), unde saepe istis iudiciis damnati simpliciter in exilium abiisse leguntur, ut in loco DIODORI *h*) *Φυγὴ κατεδινάσθη*. Hanc iuris Romani partem videntur asciuisse atque ei fundi facti esse socii. Ita de homine Tennita CICERO *i*). *Nam princeps legationis Lysanias adeptus est ordinem senatorium: sed cum rempubl. nimium amplecteretur, peculatus damnatus et bona et senatorium nomen amisit.*

§. VIII.

Praedia obligata, pecunia ex aerario sumta.

Litis vindiciarum, multae item, ac rei iudicatae nomine praedes potissimum datos vidimus: contra, praedia fere obligata memorantur, pecunia ex aerario mutua sumta. Cum enim praedia videreiur Romanis tutissimum cautionis genus, ut supra meminimus dicere, aerario autem ut quam maxime cautum esset, summa cura adhibenda esset: non iniuria praedia potissimum ab aerario pecuniam mutuam sumentibus obliganda erant. Ita cauisse scimus Claudium ex nouissimo loco SVETONII, cum pro introitu noui sacerdotii magnam pecuniam ex aerario mutuam accepisset. Eadem de causa dati praedes Valeriani in loco illo vexatissimo CICERONIS *k*), *ad Volusium transferri nomen a Valerio non potuisse: sed praedes Valerianos teneri.* GRAEVIUS Valerium in istius, Publicani, locum successisse, et non solum vectigal illud conduxisse, sed et reliqua Volusii soluenda in se suscepisse, et hoc nomine praedibus praediisque cauisse, existimat. Ego autem non video, quomodo tum Rufus postulare potuisset, ut ad Volusium nomen transferretur. Vir doctiss. videtur potius contrarium dicere voluisse. Si in re incerta atque obscura aliquid probabiliter dici potest: ego puto Valerium debuisse reipubl. et Valerio Volusium; Rufum igitur voluisse, ut debitum Valerii solueretur a Volusio, siue, ut Volusio delegaretur pecunia reipublicae soluenda. Etsi igitur potis-

C 2

sumum

f) u. c. d. p. *Quint.* 22. *g*) *Liv.* V, 32.

h) *Ecl. lib. XXXVI. pers. 6, ed. Wessling.*

i) *pro Flacco c. 18.*

k) *ad. Din. V. 22.*

simum praedius populo cauebatur ab iis, qui mutuam accipiebant pecuniam, tamen vno in loco LIVII l) *praedibus praediisque caueri iubentur mutuantes.* Nam cum de redimendis captiuis ab Hannibale ageretur, memorat, fuisse, qui *si quibus argentum in praesentia deesset, dandum ex aerario pecuniam mutuam, praedibusque ac praediis cauendum populo, censerent.* Vtebatur vero aerarium in eo boni patrisfamilias more et consuetudine, vt, si opibus et pecunia afflueret, eam non flagellaret, et ὑπὸ μοχλοῖς καὶ κλεισὶ καὶ σημείων ἐπιβολαῖς κατακεκλεισμένην, vt LVCIANI Plutus queritur, teneret: sed eam occuparet, ciuibisque crederet: vt horum commodis seruiendo ipsam suam rem auget. Numerabat enim sub foenore, vt colligo ex TACITI loco m), vbi in liberalitatis laude quae Tiberio impertitur, et hoc ponitur, eum ex aerario mutuum dedisse sine foenore. Eorum vero haud dubie potestatis fuit, pecuniam ex aerario credere, qui ei praecessent, Quaestorum, Praefectorum etc. de quibus infra dicendi locus erit. In loco TACITI modo laudato principis arbitrio id factum. Sed et aerarium interdum vniuersi populi calamitatem leuasse et egestati publicae subuenisse reperimus. P. Valerio C. Marcio Coss. Quinque Viri mensarii creati ad solutionem aeris alieni, quo plebs fere vniuersa impedita erat, eam rationem ingressi sunt, vt tarda nomina aerarium mensis cum aere in foro positis dissolueret, vt populo prius caueretur n). Quomodo cautum sit in simili causa, exponit TACITVS o), ab Tiberio disposito per menses milies sestertio, factaque mutuandi copia sine vsuris per triennium, si debitor populo in duplum praediis cauisset. In quo populo cautum dicitur, propterea, quod Caesar ex aerario eam pecuniam sumserat: dixerat enim antea, argentum signatum aerario vel fisco attentum fuisse. In duplum vero cauebatur tum maioris securitatis reipubl. causa, tum vtilitatis agrorum. Idem ius etiam in prouinciis receptum fuisse, docet locus CICERONIS p): *caius*, (de homine Tennita loquitur) *fratris bona, quod is populo non soluebat, Praetore Flacco publice venierunt.*

l) XXII, 60. m) An. VI, 17. n) LIVIUS VII, 21. o) Annal. VI, 17. p) pro Flacco c. 28.

nierunt. Sed satis de his praedibus, qui ob pecuniam ex aerario mutuata accepti sunt. Restat, ut moneamus praedes etiam datos fuisse, ut, in pecunia publica ex provincia Romam deferenda, populo caueretur sine vecturae periculo. Indicat CICERO *q)* *Laodiceae*, inquit, *arbitror me praedes accepturum omnis pecuniae publicae, ut et mihi et populo cautum sit sine vecturae periculo.*

§. IX.

Praedes praediaque obligata, conductis vestigalibus.

Iam venimus ad id genus, in quo praedibus praediisque simul caueretur, potissimum illud et frequentissimum, et ex quo Ius Praedictorium maxime ortum esse videtur; ad Redemptionem, inquam, siue vestigalium siue operum publicorum. Et in his quidem, si opus aliquod publicum aut facta tecta a Censore, vel si is non esset ab alio magistratu v. c. Cos. Praetore *r)*, cui ea provincia extra ordinem dabatur, uti Verri, locaretur, is, qui suscipiebat, statim ex aerario eam pecuniam accipiebat, qua id opus facere pactus erat. Itaque tempore belli Punici II. tanquam singulare beneficium Mancipum in rempubl. memoratur, quod cum respubl. inops esset, exercitui Hispaniensi praebenda conducebant, siuae pecunia ea pararent. *s)* Sed cum periculum esset, ne pecuniam eam alio verteret redemptor, aut opus minori impensa faceret, praediis suis cavebat, atque etiam praedes dabat, se ex fide aedificaturum. In INSCRIPT. tamen NEAPOLITANA *t)* videntur Puteolani maiori adhuc cautione agere voluisse; nam scribitur: PRIMVM PARS DIMIDIATA DABITVR, VBI PRAEDIA SATIS SVBSIGNATA ERVNT; ALTERA PARS DIMIDIA SOLVETVR OPERE PERFECTO PROBATOQVE. CICERO *u)* in simili causa: *praedibus et praediis populo cautum est.* Formula vero aliqua a Censore proponebatur aut ab alio quovis magistratu, Lex

C 3

Cen-

q) ad Div. II, 17. *r)* v. Verr. I, 50. *s)* LIV. XXIII, 48. *t)* apud GRV-
TERVM p. CCVII. *u)* Verr. I, 54.

Censoria ea dicitur qua omnis ratio faciendi aedificii, tota conditio eius et partes, dies etiam ei perficiendo definita esset, qualis *Lex opere faciundo apud CICERONEM x)*, *Lex parieti faciundo in Marmore Neapolitano y)* legitur. Ad hanc opus perfectum Censor, aut qui alius locasset, exigebat. Dicat, at quid illi in eo viderunt, homines artis aedificandi imperiti? Vtebantur sane opera idonei architecti aut fabri, qui singula exquireret, an ex lege et diligenter structa essent. Eiusmodi hominem fuisse credo illum L. Rabonium a): ei enim *aedem Castoris tradi oportebat b)* et cum Verres ad perpendicularum exigere vellet columnas negat id sibi deberi, negat oportere exigi. c) iterum alio loco: d) *Satisdet ei, qui a vetere Redemptore acceperit.* Quae verba, si, ut vulgo existimant Interpretes, Manceps ipse fuit, quo pertineant, non habeo dicere. Si Censor approbasset, tum obligata praedia et praedes remittebantur: sin minus, tum quidem non statim praedes praediaque vendebantur: erat enim incerta omnis ratio, cum nec quantum damni illatum, non ex fide absoluto opere, constaret, nec propter non magnam pecuniam ampla saepe praedia facile vendi possent. Sed ea ratio inita: id quod male aedificatum erat ex lege, denuo locabatur reficiendum. Sed periculo prioris redemptoris, h. ut quanta pecunia redimeretur opus, ea ipsi soluenda esset. In quo tamen ille prior iure et loco erat alius. Vnde inter insignia Verres flagitia CICERO e) et illud refert, quod pupillum redemptoris plane ab eiusmodi locatione prohibere voluit. Male eum locum acceperat ASCONIUS f) et HOTOMANNUS, quos MANUTIUS ET GRAEVIUS in viam reduxere. Huc etiam facit LOCUS TACITI: g) *Idem Corbulo, plurima per Italiam itinera fraude mancipum et incuria magistratum interrupta et imperiis clamitando, executionem huius negotii lubens suscepit: quod haud perinde publico usui habitum quam exitiosum multis, quorum in pecuniam et famam damnationibus et hasta saeviebat.* Magistratus recte LIPSIUS intel-

x) *Verr. I. 55.* y) *ap. GRUTER. p. CCVII.* a) *in Verr. I.* b) *c. 50. et ib. plura.*
 c) *c. 51.* d) *c. 56.* e) *Verr. I. 54.* f) *nisi hic potius corruptus est: nam p. 546.*
ita sentit, ut debet. g) *Hist. III, 31.*

intelligit *b*) *Curatores viarum*. Dio enim expressit: *τοῖς ἐπιμελη-
ταῖς τῶν ὁδῶν*. Sed idem ultimum nescio an vero: *Quorum in pecu-
niam in possessorum videlicet, qui agros haberent viae vicinos.*
Quasdam enim vias collatitia pecunia tueri finitimi debebant, ut
vulgo hodie. Sed ii suntne Mancipes? et quo modo in eorum
sanam saevitum? et an ii hastae subiecti? Intelligendus locus
de curatoribus viarum, qui pecunia ex aerario sumpta, locarant
vias muniendas, et de mancipibus, qui redemerant. Vtrique mala
fide in ea re versati ferebantur: illi quidem cum aut non locas-
sent, aut non exegissent: hi, cum vias non muniissent, aut certe
parum diligenter; pecunia itaque inde accepta vias interruptas
et imperuias reliquisse. Corbulo, accepta eius rei cognitione,
opera exegit, et tum Curatores, qui pecuniam ex aerario accep-
tam in ea non impendissent, tum eos, qui non, uti debuerant
ex lege, muniissent, damnauit. Haud dubie illis multam di-
xit, horum praedia, quae obligata fuerant, et praedes vendidit,
ex eaque pecunia vias refici curauit. Quae res ut publice utilis
fuit, ita damnosa multis, qui et bonis et fama sua excussi sunt:
et fama quidem, quia pecuniam publicam interverterant: cf.
DIO. *i*) In vectigalibus conducendis non minus reipubl. cauere
debebat a publicanis. Cum vero, plerumque vectigalia amplio-
ra, quam pro vnius hominis licet valde locupletis facultatibus,
essent, in societatem aliquot coibant: ut infinitis Auctorum lo-
cis constat. *k*) Ceterum omnem vectigalium rationem ita inter
se dispartiebantur, ut alii redimerent, qui *Mancipes*, alii partes ha-
berent: (vnde CICERO: *l*) *magnas partes habuit publicorum*) alii
socii essent, (diuersum enim hoc ab isto. CICERO *m*) *eum socium ne*
admittito, neue ei partem dato) alii tabulas societatis haberent
et rationes conficerent, qui *Magistri* dicebant: alii denique cauerent.
POLYBIUS *n*) *ἡ μὲν μὲν ἀρχαὶ ἔχουσι (Mancipes) παρὰ τῶν τιμητῶν δι-
ταὶ τὰς ἐνδοσίων, ἡ δὲ κοινὰς τῶν αὐτῶν (partes habent) ἡ δὲ ἐν-
γυῶνται τὰς ἡγεμονίας, ἡ δὲ τὰς ἐπὶ διδασίαν περὶ τῶν εἰς τὸ δη-
μῶν.*

b) in Excursu ad b. l. *i*) Lib. LIX. p. 747. *k*) cf. b. v. m. de Vectig. c. 9. *l*) pro
Rub. Post. c. 2. *m*) Voss. l. 5. *n*) V. l. 5.

μῶσιν. Quid vero οἱ ἐγγυῶντες τὰς ἡγερακότας ab illis differunt, εἰ τὰς αἰτίας διδόναι περὶ τέτων εἰς τὸ δημόσιον? scilicet alii tantum fidem suam, alii praedia certā reipubl. obligabant. Praedes certe hic inter ipsos socios erant, ipsi lucrum ex redemptione quaerebant, cum, qui in aliis negotiis cauerent, eorum nulla utilitas aut commodum versaretur. Dabantur vero, quia merces vectigalium, quae fere in quinquennium locabantur ο), non, nisi eo elapso, aerario soluebatur, et quidem ea summa, qua in locatione addicta erant: adeoque reipublicae per hoc tempus securitati prospectum esse oportebat. Praedium nomina haud dubie, ut omnis locationis ratio, referebantur in tabulas locationum: quae temporibus insequentibus *hastarii* nomine appellatae videntur esse. Ita certe accipiunt interpretes illam vocem in loco TERTULLIANI: p) *Publicos Deos in hastario vectigales habetis - sub eadem hasta, sub eadem annotatione Quaestoris divinitus addicta videtur.* Haec vero praedes exigendi consuetudo in vectigalibus locandis non fuit solis Romanis propria. Apud IOSEPHUM q) Ptolemaeus Evergetes, qui quotannis vectigalia Coelestiriae, Samariae, Iudaeae, et Phoenices locare (πιπράσκειν) solebat. Viris in quaque civitate principibus, die praestitura (προθεσμία), qua solvere ea oporteret, cum Iosephus, Onias, Pontificis M. ex forore nepos vectigalia Syriae redimeret (ἵστω: ita Latinis vendere et emere pro conducere et locare) poscebat eum τὰς ἐγγυησομένους αὐτὸν. Ad quod ille lepide et festiue; δῶτω ἀνθρώπους ἀγαθὰς τε καὶ καλὰς, εἰς ἃν ἀπιστήτετε, rogatusque, qui sint, αὐτὸν, inquit, ὦ βασιλεῦ, σέτε καὶ τὴν γυναῖκα τὴν σὴν ὑπὲρ ἑκατὸν μέρους (quod voc. recte ab vno Cod. abest) ἐγγυησομένους δίδωμι σοι. Tum rex ridens συνεχέωρσεν αὐτῷ δίχα τῶν ἐμολογόντων εἶχειν τὰ τέλη.

§. X.

Praedia obligata vendebantur.

Praedes etiam dati ab iis qui in auctionibus publicis, cum bona

ο) v. v. v. m. de Vectig. p. 105. p) Apol. c. 12. q) Ant. XII, 4. §. 4. r) v. GRONOV. de Pec. Vet. p. 294. ad Lin. II, c. v. v. m. de Vectig. p. 103.

bona damnatorum proscriptorumque venderentur, aliquid emerent. De eiusmodi causa intelligendus locus CICERONIS *s) Praes aliquando factus esses, et in his quidem tabulis, ubi V. BOSIVS. Erant et multae aliae causae, in quibus praedum auctoritas intercedebat. Ita ap. LIV. s) ad aedificandam urbem saxi materiaeque caedendae, unde quisque vellet, ius factum, praedibus acceptis, eo anno aedificia perfecturos. In quibus vero, praediis et bonis, cauerent, multa in vita humana negotia incidunt, causae infinitae. Sed harum et putida et inutilis enarratio esset: imprimis cum iam commemorandum sit, quid his reipubl. obligatis praedibus praediisque factum, ubi solutum reipubl. non esset. Hos igitur, qui reipubl. obligati, et quidem praediis, dictos esse praediatos, Glossae PHILOXENI docent: quamquam apud scriptores veteres ista vox ea notione nusquam occurrit. Sed videtur ita accepta esse posterioribus seculis: Glossarum certe non inanis auctoritas, quippe Iustiniano antiquiorum, quo nomine valde a SALMASTIO laudantur *n)*. Verba vero Glossae haec sunt: *Praediatius vñqz φέρε δήμενους* (alias dicitur *ἐν ποδὲς μὲνους, ἐν ποδὲς μίους*, HESYCHIUS *ἐν ποδὲς μίους ἢ ἐν ποδὲς μίους, ὁ ἐν ποδὲς μίους*) ita SALMAS. restituit, cum legeretur *δήμεν*, ut citat etiam TVRNEBVS *x)*; *ὄνεγ φέρε* vero dicit, quia id genus frequentissimum: nam et ii, qui, quod pecuniam ex aerario mutuiam fuisse sent, *praedia obligata haberent*; eodem iure *praediatii* dici possunt. Praedia igitur obligata vendebantur, si fidem reipubl. solvere non possent praediatii aut praedes. *Praedius*, inquit ASCONIUS *γ)*, *domus, agri, haec omnia venduntur, si rationi publicae conductor, (sic lego pro locator), non responderit. Quid vero memorem notissimum Suetonii locum in Claudio *z)* qui *venalis pependisse* dicitur, cum pecunia ex aerario mutui sumta, fidem non liberavisset, ad quem locum nihil refert repetere, quae a doctiss. Interpretibus notata sunt. *Venalis pependis* esse de bonis intelligendum, tum eius loci interpretes, tum alii docti viri observant, etiam RO. TAYLOR *a)* qui in eundem modum recte explicat illa in XII. tabulis**

s) ad Attic. XIII. 3. 1) V. extr. n) de M. V. p. 594. p. 703. p. 71, et LANBEVS in Praef. ad Glossarium. x) Alia XX. 30. y) ad Cic. Verr. I. 54. z) c. 9. a) in Diff. ad Legem Decemviralem de Debitore in partes secundo.

bulis: in partes secanto, et dixit in eandem sententiam Asconius: ex b) proscripti bonis. Multi de eadem re acceperunt locum Suetonii: c) Reos, qui ante quinquennium proximum apud aerarium pendissent, uniuersos discrimine liberauit: nec repeti, nisi intra annum, eaque conditione permisit, ut accusatori, qui causam non teneret, exilium poena esset: Sed id minus recte factum docuere Clar. Interpp. ad e. l. apud aerarium pendere est; quod CICERO d) dixit, in tabulas publicas ad aerarium perscribi. Acerba vero res et tristis, si quis suas possessiones distrahi videret: In quam illa CICERONIS e) dixeris: De quo homine praconis vox praedicat, et pretium conficit; huic acerbissimum vivo videntique funus indicitur; si funus id habendum, quo non amici conueniant ad exequias cohonestandas, sed bonorum emtores, ut carnifices, ad reliquias vitae lacerandas et distrahendas. Neque tamen, quantumuis magna calamitas ea sit, tantam fuisse existimo, ut sententiam TAYLORI f) probem, qui eos, quorum bona publicentur, mortem civilem subire ait. Nam neque ciuitatem neque libertatem isti homines amittunt; pecunia eis et fortunae adiunguntur, quarum iacturam etsi forte multi libertatis et ciuitatis priuationi aequiparent aut etiam grauiorem iudicent; non tamen in iure eius opinionis ratio habetur. Affert quidem vir doctiss. locum CIC. g) modo memoratum; sed in eo facile apparet, istam calamitatem oratoria δεινότητι paullo grauius et vehementius esse expressam, neque omnia ibi nimis ad vnguem refecari debere. Fragmentum vero VLPIANI h): Publicatione quoque distrahi societatem diximus, quod videtur spectare ad uniuersorum bonorum publicationem, si socii bona publicentur: nam cum in eius locum alius succedat, pro mortuo habetur: non de morte civili explicari potest: Nam ea infertur capitis deminutione maxima et media i); cuius autem bona venduntur, neutram subit. Praeterea certissimum est, Ictum de ea non cogitasse. Dicit: Publicatione quoque societatem distrahi diximus. Vbi vero? nempe §. fin. l. 63. eod. tit. et quae ibi? Societas soluitur ex personis, ex rebus, ex voluntate, ex actione. Ideoque

b) ad Verr. I. 20. c) in Domis. c. 9. d) Verr. I. 21. e) p. Quinz. c. 15. f) in Diss. laud. p. 91. g) p. Quinz. c. 40. h) l. 65. §. 12. D. p. Socio. i) l. 209. D. R. I. §. 1. I. q. u. mod. l. u. p. p. solu.

que suae homines, siue res, siue voluntas, siue actio interierit: distrahi videtur societas. Intereunt autem homines quidem maxima aut media capitis deminutione aut morte. Res vero, cum aut nullae relinquuntur, aut conditionem mutauerint. Neque enim eius rei, quae iam nulla sit, quisquam socius est: neque eius quae consecrata publicae (seu forte publicatae) sit. Vides hic Ictum plane distinguere mortem civilem a publicatione, cum alterum esse interitum hominis, alterum rei dicit. Et, quod ait, *pro mortuo habetur*, intelligendum ratione societatis. Fingitur in causa societatis, quasi ille non amplius in viuis sit, vt et in eius locum alius succedere possit. Sapienter vero a Romanis auctio potius, quam quaevis alia venditio adhibita, quia in ea minus iniuriae, quam alio genere, fieri poterat. Si relicta res fuisset aestimationi hominis vnus, quot fuissent, qui laesos se arbitrantur, possessione intra pretium suum aestimata? Hac vero probata ratione, etiamsi accideret, vt res minoris veniret, id tamen casui potius quam hominum improbitati tribui poterat. Haud dubie vero id expriatis auctionibus in has translatum fuit, vt pecuniae exactae quidquid, reipubl. cum solutum esset, superesset, praedicto redderetur. Nam et alia ratione horum hominum miseriam leuatum iure; tanquam quod in venditione suarum possessionum ius praelationis habebant, et, si quid emere vellent, potiori quam reliqui, iure utebantur: De quo illustris locus CICER. *k)* supra commemoratus: *Vbi illa consuetudo in bonis praedibus praediisque vendendis, omnium Coss., Censorum, Praetorum, Quaestorum denique, vt optima conditio sit is, cuius res sit, cuium periculum.* Hoc autem fuisse caput aliquod iuris praedictorii, probabile est, a consuetudine ductum, vt supra notauimus. Hoc antiquum ius in simili causa migrauerat, qua improbitate erat, Verres. Omnino in istis venditionibus iniquitas magistratuum afflictae miserorum fortunam plane profligare poterat, si vel fraudulenta collusione cum emtoribus vel acerbitate uti vellent. Apud TAC. quidem *l)*, Heluidius Priscus aduersus Obultronium Sabinum aerarii quaestorem contentiones proprias exercuit, tanquam ius ha-

D 2

flae

k) *Perr. I, 54.**l)* *Annal. XIII, 23.*

saec aduersus inopes inclemens *augeret.* Bona vero vendenda proscribebantur, tabula publice proposita, qua eorum conditio et dies venditionis definita erat, id quod vel ex SVETONII loco *m)* apparet. Verum etiamnum proscripta auctione liberari potuisse praediatos non dubito, si amici accederent, et se pro iis soluturos profiterentur, cum id in aliis priuatis causis fieri potuerit. SENECA *): *Spondeo pro iudicato, et suspensum amici bonis libellum deiecio creditoribus eius me obligaturus.* TORRENTIVS, qui ad SVET. hunc locum laudat, hoc dicit esse *nomen tabulis eximis*; quod nescio an recte dictum sit, cum, reorum potius ad liberationem ea formula pertineat: Reliqua vero ibi pessime.

Non omittenda etiam illa quaestio, a quo auctiones istae habitae fuerint. Quaestoribus quidem ap. LIV. *n)*. Praefectis aerarii tribuitur ap. SVET. *o)* Quaestoribus aerarii apud TAC. *p)* apud alios aliis. Verum dicendum est, vendidisse eos, qui aerario quoque tempore praeesent, cuius cura, imprimis temporibus Caesarum, non semper eidem hominum generi demandata fuit. Locus classicus est ap. TAC. *q)* quem, si adscripsero, nihil erit, quod addam. *Varie habita ac saepe immutata eius rei forma; nam Augustus permisit senatui eligere praefectos: Dein ambitu suffragiorum suspecto, sorte ducebantur ex numero Praetorum, qui praeesent. Neque id diu mansit, quia fors deerrabat ad parum idoneos. Tunc Claudius Quaestores rursus imposuit, iisque, ne metu offensorum segnius consularent, extra ordinem honores permisit. Sed de erat robur aetatis eum primum magistratum gerentibus. Igitur Nero Praetura perfunctos et experientia probatos delegit.* Copiose hac de re egerunt VERTRANIVS *r)* LIPSIVS *s)* et ex eo OISELIUS *t)* BRISONIVS *u)* GODOFREDVS *x)* GRONOVIVS *y)* BYRMANNVS *z)*. ERNESTI V. C. *a)*. Pecunia ex auctione redacta in aerarium inferebatur.

TACI-

m) in Claudio c. 9. *) de Benef. IV, 12. cf. ib. LITIVM. vid. etiam Or. pro Quinsio passim.
n) XXXVIII, 60. *o)* Claud. 9. *p)* XIII, 28. *q)* XIII, 29. *r)* ad c. l. et ad Hist. II, 9. *s)* Exc. ad XIII, 29. *t)* ad Gell. XIII, 24. *u)* Sel. Iur. Civ. Ant. III, 19.
x) ad l. 42. D. de Fur. ffe. *y)* de pec. ver. p. 275. *z)* de Vellig. p. 114. v. 150.
a) ad Suet. Claud. 9.

TACITVS b): et quia tot damnatic bonisque eorum diuenditis signatum argentum fisco vel aerario attributum. In vendendis bonis rependarum damnati hoc singulare erat, quod pecunia ex iis non in aerarium redigebatur; sed sociis, quibus erepta erat, reddebatur: Alconius de eo intelligendus c). Quaesorem eum, ad quem rediguntur pecuniae ex proscripti (h. cuius bona proscripta) bonis et a quo sociis amittuntur. Quaesora autem, quaecunque vendebat, ex auctoritate Praetoris vel cuiuscunque Quaesitoris faciebat. Itaque LIVIUS d) ait: Praetorem in bona L. Scipionis possessum publice Quaesitores misisse. Inde tribuitur interdum ipsa auctio Praetoribus, quia eorum iussu fit. Ita apud CICERONEM e) Verres bona Opimii vendidisse dicitur.

§. XI.

Quid praedicator?

Age, proscripta est auctio, dies veni, qui iam tibi emtores ad hastam accedunt? Accedunt vero homines honestissimi et splendidissimi, Equites Romani, qui a praediis emendis praedictatores dicti sunt. Ita GLOSSAE PAROXENI: Praedicator dicitur una ex iis, quod illustrat SALMASIUS f) ex analogia vocis praehiator. I. P. GRONOVIVS autem g) comparat omnem vocem foeneratoris. Hi sunt homines locupletes, qui pecuniam suam in foenore collocabant: et ita praedictatores, inquit, qui pecuniam suam habebant in praedio. Ceterum Viri docti in hac voce valde laborarunt. Icti h) praedictatores, dicunt, esse eos, quorum praedia periculo teneantur. Facile apparet, eos voluisse explicare praedictatores; et iam refellit eos SALMASIVS, sed induxit eos, ut videtur, corrupta Glossa a SALMASIO primum restituta. GOESIVS i) etiam gravius errat: esse enim eos vult, qui sua praedia aliis iure pignoris vel hypothecae obligaverint. Li vero ne praedictati quidem sunt. Male etiam

b) Anal. VI, 17. c) ad Verr. I, 20. d) XXXVIII, 80. e) Verr. I, 80. f) de M. V. p. 738. g) de Cenot. p. 516, loco a Cel. ERNESTI iam indicato. h) ad L. 54. D. de Iur. Dos. et ita etiam notasse videtur DOCT. COMM. ad CICERONEM pro Balb. c. 20: Sed festinatione peccatum: Quod nisi condones, habere insu-
nit, acerbo. i) ad VETON. Gland. 9.

acceperunt Interpretes CICERONIS *k*) ubi Appuleius *Praediator liberalis* vocatur. Totum illud negotium, quod in istis epistolis memoratur, et adeo totus locus, non intellectus est a Viris doct. CORRADVS *l*). existimat esse Appuleium eum, qui quasi primarius procurator res Cornificii absentis curarit. Sed id miror homini eruditissimo excidere potuisse. Verba CICERONIS haec sunt: *neque minus — procuratores Cornificii et Appuleium praediatorem videbis*. Nonne hic a procuratoribus distinguitur? Et quorsum additum foret *praediator*? et quomodo in ista causa dici posset *m*) *Appuleius praediator liberalis*? belle vero, si procurator liberalis ex alieno corio. Et si id significaretur, debebat dici: *procurator liberalis*, aut simpliciter, *liberalis*. Ego totum negotium tale fuisse existimo. Iunius ille, siue Flavius (alterum enim nomen corruptum videtur): bona publico oppignorata habuerat; quae, cum soluendo non esset, vendita fuerunt. Redemit, ut solebat, Appuleius praediator, qui, cum inquireret in ea, quae in bonis essent, etiam nomina Iunii examinavit. Inter haec erat Cornificius: pro quo cum aliis Cicero fideiusserat. Cornificius quod tum forte abesset domo, *praediator* Atticum, procuratorem Ciceronis, cum reliquis fideiussoribus appellavit. Atticus Ciceroni hoc nuntiat: is rescribit: primum, etiamsi res ita se haberet, tamen non esse, cur magnopere moueatur; Cornificium enim locupletem esse, et posse adeo soluere, sine sponсорum molestia; sed subicit Cicero: *seto* tam rem ignorare, et rogat Atticum *n*), ut sibi rescribat, quando sponponderit, et pro patre, anne pro filio: utque eam ob rem procuratores Cornificii et Appuleium praediatorem videat, a quibus omnem rei rationem resciscere possit. Atticus ex Flavio tum compererat, factum id annos abhinc amplius XXV. Id Ciceroni nondum satis verosimile videbatur. Itaque *o*) etsi reus locuples sit, ut ipse facile soluere possit, et Appuleius praediator liberalis, qui sibi adeo nullam molestiam excitaturus, sed expectaturus sit adventum Cornificii, tamen Atticum vult ex consponсорum tabulis inuestigare, res an ita se habeat? *Mihi enim*, addit CICERO, ante

k) ad *Aus.* XII, 14 et 17.*l*) ad *ep.* 14.*m*) *ep.* 17.*n*) *ep.* 14.*o*) *ep.* 17.

adulterare meam nihil erat cum Cornificio. Potest tamen fieri; Sed scire certum velim: et appelles procuratores (nempe Cornificiū) si tibi videtur, (vt certior reddatur, an fideiusserit) quamquam quid ad me? (nempe cum ipse Cornificius locuples sit; nisi amplectaris Manutianam interpretationem, vt dolorem significet amissa filia) Veruntamen. Hae Appuleii in hac causā partes et ita explicandae: Quorsum enī alias praedicator bis adiiceret? Quamquam et fecisse propterea videtur, quia p) alium Appuleium memorauerat, eum qui illo tempore in collegium Augurum adoptatus erat; quem omnino diuersum esse ab isto, apparet tum ex totius causae diuersitate, tum ex ep. XVII. pr. et ep. XIV. vbi vtriusque mentio fit; sed ita vt discernantur, et alteri praedicatoris nomen addatur. Ita si explices, non nouam cum MANVTIO voc. praedicatoris notationem comminisci necesse est, quae praesertim tō liberalis plane non conuenit, vt praedictorem intelligamus eum, qui praediorum et praedium iura nouit. Haec tamen significatio Viris doctiss. visa est necessario esse adhibenda in loco CICERONIS pro Balbo q). Etenim si Q. Scaeuola ille Augur, quum de iure praedictorio consulereetur, homo iuris peritissimus, consultores suos nonnunquam ad Furium et Cascellium, praedictores reiciebat. ABRAMVS ad c. l. Praedictores videntur dici, qui non omne ius ciuile tractant, sed tantum eam partem, quae agit de iure praedictorum: vulgo doctores vnius tituli diceremus. Sed huius errorem ex parte iam supra refellimus. Reliqui interpretes exponunt peritos iuris praedictorii. Sed SALMAS. x) contendit, id naturae vocabuli vehementer repugnare, ipse itaque expungendum censet voc. praedictores; maxime, cum VALERIUS MAXI. y) quem eum locum Ciceronis exscripsisse certum sit, id non habeat. Q. Scaeuola, inquit, legum clarissimus et certissimus vates, quotiescunq; de iure praedictorio consulabatur, ad Furium et Cascellium, quia huic scientiae dediti erant, consultores reiciebat. Sed nec SALMASIVS, nec alius post eum, vidit hunc locum potius contra ipsum militare; potest

cum dicat, *quia huic scientiae dediti erant* : quod sane argumentum est non leue pro vulgari interpretatione. Dicit praeterea non potest, quomodo ea vox, tam rara, et parum obuia, in omnes libros venerit. Maiori itaque iure diceret, *consultores* esse eius glossema, adeoque expungendum : sed facile apparet, si hoc facias, tum loco aliquid deesse. Ceterum ut existimem eo in loco *praediatorem* dici iuris praediatorum peritum, me potissimum mouet auctoritas Interpretum Ciceronianorum principis, ac Cicerone suo dignissimi ERNESTI, V. C. qui vulgarem significationem vocis *praediator* conuenire posse statuit. Eius autem iudicium lubenter sequor. Visum tamen erat, cum cum locum primum legerem, non esse, quod Viros doctissimi moueret, et vulgarem significationem non minus tibi locum habere. CICERO hoc agit ; ut ostendat saepe aliquam disciplinam subtilius et accuratius cognosci ab iis, qui usu et experientia eam addidicerint, quam qui institutione et doctrina ; et assiduum omnino usum uni rei deditum, et ingeniam et artem saepe vincere ; idque eo consilio agit, ut euincat, de foederibus et de toto iure pacis et belli omnibus iurisperitissimis meliores interpretes habendos eos, qui iam saepe imperia et bella gesserint. Id confirmat iudicio Q. Scaevolae, qui cum esset iuris ciuilis peritissimus, interdum tamen eos, qui se de re, quae ad ius praediatricum pertineret, consulerent, ad eiusmodi homines remittebat, qui quidem ratione ac disciplina illud ius non addidicissent, longo tamen usu, et quod in iis negotiis, in quibus locum habet, diu ac saepe versati essent, melius nossent, quid moris et consuetudinis esset? Fieri autem hoc poterat, quia, ut supra ostendimus, ius illud potissimum moribus et institutis continebatur. Non itaque *Furius* et *Cascellius* esse potuerunt ICI, inprimis tam periti iuris quam memorantur fuisse ap. VAL. MAX. u) HORATIVUM. x) quomodo enim comparationis ratio constaret? Neque mihi VALERIUM opponas, qui ait : *quia huic scientiae dediti erant*. Eius enim auctoritas in latinitate tum aliqui non magna est, ut Viri docti

osteu-

u) 1170

u) VI, 2. 22. x) Aet. 37.

ostenderunt: tum vero sibi ipse in isto loco non constat: mox enim subiicit: ab his negotium aptius explicari posse confitendo, qui quotidiano eius usu callebant. Dico autem *Furium* et *Cascelium* fuisse equites Romanos, qui, ut eius ordinis hominibus mos erat, in venditione praediorum saepe adessent, exque ea re lucrum facerent, idque tanquam negotiationis genus exercerent: qualis etiam iste *Camillus* (cic. y) fuisse videtur. Confirmat nostram explicationem etiam alterius exempli ratio: *si nos de aqua nostra Tusculana M. Tugionem potius quam P. Aquilium consulebamus, quod assiduus usus uni rei deditus et ingenium et artem saepe vincit*: iterum comparat ICtum celeberrimum cum homine obscuro, qui haud dubie diligenter et diu versatus erat in aquis conducendis, certe usu ius aquaeductuum et rationem vectigalium pro iis soluendorum calleret. Non enim Cicero comparationem ita instituit, ut dicat, in quoque genere eum consulendum qui ei rei vnice se dedit: sed, plus saepe videre eum, qui non disciplina sed usu rem addidicerit. Restat adhuc significatio aliqua vocabuli *praedioris* a superiori diversa quidem sed quae tamen sequioribus temporibus obtinuisse videtur. Glossae PHILOXENI alio titulo habent: *praediores χωριόχοι*, et alio loco *χωριόχοι* (sed illud rectius existimo) *praediores*. Videntur igitur hoc nomine appellati esse, quorum curae praedia demandata essent, tanquam procuratores. Et inde explicandum duco iactatum locum BOETHII a) *Vindex est, qui alienam causam suscipit vindicandam, vel, etiam hi quos nunc praediores vocamus*. Ita CUIAC. b) ex veteribus libris, cum in aliis sit *procuratores*, quod illius glossa habendum. Sed hic, ut diximus, significatus longe post

ximus, hos fuisse honestissimos equites, qui, ut varia iis negotiandi genera erant, cum alii publica conducere, alii decumas, alia pascua publica redimerent, et ex iis nomen haberent alii *publicanorum*, alii *decumanorum*, *pascuarius* alii, et *scripturarius*: ita et erant, qui in auctionibus publicis praedia emerent, et ea haud dubie deinde meliori conditione venderent: ex ea re nomen nacti *praedicatorum*. Sed nonne verendum, ne equitum principes *sectoribus*, hominum generi odiosissimo, adaequemus? minime vero. Quod si pauca de illis dixerimus, apparebit, quantum inter utrosque intersit. *Sectores* siue a *secundo* siue a *sequendo* dicti, aliis enim notatio placet alia *a*), emebant ex auctione uniuersitatem bonorum (unde Graecis *βίοντες*, *b*) *ASCONIO* *redemptores bonorum*) et singulas deinde res minutim vendebant. *c*) itaque erat *sectio* inter successiones in uniuersitatem. *d*) Bona vero emebant fere eorum, quos ipsi accusassent, et lite aestimata damnassent. *HOTOMANNVS* *e*) non satis accurate: *accusatores iudicia sequebantur, quoniam damnatorum bona ipsi aestimare et certam summam promittere solebant*. Inductus est *ASCONII* verbis *f*) qui *sectorem*, dicit, *aestimatore bonorum damnati atque proscripti, qui spem sectans lucri sui, i. e. secutus spem aestimationis suae* (quam etymologiam ridiculam esse dicit *TAYLOR* *g*) *bona omnia auctione vendit et semel infert pecuniam ex aerario vel sociis*. Sed, si ista recte se habent, intelligenda est ea aestimatio, quam sector apud se init, dum exputat, quantum sibi lucrum venturum sit, si hac vel illa pecuniae summa emere possit. In isto loco *ASCONII* praeterea particula *ex* in alienum locum irrepsit: legendum enim, *bona omnia ex auctione vendit*: Sc. sigillatim (nisi omnino deleta ex legi malis, pro *vendit, emit*) et *semel infert pecuniam aerario vel sociis*. Quomodo sociis? respicit ad iudicium repetundarum, in quo ex bonis venditis

a) V. ERNESTI. *V. C. Clav. Cic. Ind. l. v. TAYLORI Diff. laud. p. 27.* *b*) V. SALMAS. *de M. V. p. 829.* *c*) V. ASCON. *ad Cic. Verr. I, 20. et 23.* *d*) V. *Instit. Iust. III, 13.* *e*) *ad Cic. Verr. I, 19.* *f*) *ad l. c.* *g*) *Diff. l. c.*

ditis exacta pecunia reddebatur faciis *h*). Idem igitur redimebant, et deinde vendebant; erantque vtrumque emtores et venditores *h*). Sed an et hi praedes dabant aerario? *SALMASIVS k*) id videtur velle, cum ait, eos praedes dictos esse *cognitores*. Sed hoc quidem, satis refellit *GRONOV l*). Praedes autem sane dedisse videntur. *CIC. m*) cum Antonium pro sektionē debuisse Caesari, dixisset, mox deinde *praedum* meminit; nisi invidiose id a Cicerone dictum esse existimes. Quia vero hi homines emebant fere bonaeorum, quos damnassent, inter bella ciuilia etiam proscriptorum; et sub *Impp.* quos ipsi detulissent, (unde *TACITO* dicuntur *emere ab hasta, quam ipsi crexerant*) hinc magnus eorum primum contemptus, deinde infamia fuit. Videtur itaque inter *sectores* et *praediatores* hoc porissimum discrimen intercessisse, quod isti, quae semel auctionati erant, deinde noua auctione singula vendebant; hi autem non nisi praedia et opulentas possessiones et quidem hominum sui ordinis aerario obligatorum, non damnatorum, et proscriptorum, emebant. Quatquam hoc quidem inter bella ciuilia migratum esse videtur, cum etiam nobiles et honestissimi homines ad hastam proscriptionis accederent. Apud bonos tamen id semper turpe et infame habitum est. Vehementer itaque eo nomine *P. ille Sulla* a *CICERONE* conciditur *n*); vt contra inter laudes *Attici* apud *Nepotem* ponitur hoc: *Eum nullius rei neque praedem neque mancipem factum esse*: Quod tantum de bonorum proscriptorum emtione intelligendum puto. Nam et verum est, cum publicanum fuisse *o*) et partes habuit publicorum *p*) et quae antecedit et sequuntur id exigunt existimare: *Ad hastam publicam nunquam accessit*. *Nul-*

e domo sua subtrahebat, ne in sectorum potestatem venirent, dicit *cum Quaestoribus sectoribusque pugnare*. Cum itaque in praedio, quod permutat dominos et cedit in altera iura, simul ea transferrentur, quae ad illud pertinerent: et propterea acerbe in ea inquireretur, quae in nouum possessorem iure venditionis tralata essent; saepe quaestio exoriebatur, quid ad eam vniuersitatem bonorum, ad eas possessiones et praedia, quae emta essent, pertinere, quid iis comprehensum, quid non esse, videretur; quale denique ius emtori in iis exigendis et conquirendis esset. Nomina quidem, praediati exegisse vidimus praediatorem *r*). Ita dubitari poterat, si quid oppositum esset, quod ad praedium pertineret, an repeti a creditore posset *s*): porro, an dos promissa filiae deberetur, et huiusmodi alia. Debuit etiam potestas aliqua eorum esse et vis in exigendis et conquirendis iis, quae ad praedia spectarent; praecipue si essent, qui, paullo pertinaciores bona sua relinquere nollent. Caesar adeo milites ad Antonium et eius praedes misit teste CICERONE *r*). Quid? quod SALMAS. *u*) miseris, qui elici debebant bonis suis, adhuc id solatii adferre videtur, ut contendendi non modo cum duris praedicatoribus, ius tribuat, sed ut etiam cognitores aliquos et procuratores iis det, quibus id officii iniungat, ut de istis rebus cum praedicatoribus disceptent. Inuenisse eos sibi visus est in loco nobili MANILI *x*): sed eos inde conferta manu eiecit GRONOVIVS *y*). Quae hic facere ius erat, ea iure praedicatorio fieri dicebantur; ita, ut quod principio huius descriptionis diximus, aliquid iure imperatorio, accusatorio etc. facere licebat. Repetebatur vero istud a more et consuetudine, ut id liceret, quod semper in republ. a maiorum inde memoria emtoribus in bonis emtis licuisset. Etiam ex iure communi multa fiebant. Et videtur ipse praetor quaedam in edicto suo definiisse; ita colligi potest ex fragmento *z*) Cui ad Tit. de praedicatoribus. Res, inquit, quae ex dotali pecunia comparatae sunt, dotales videntur *a*).

Hic

r) ap. CIC. ad Att. XII, 14. *s*) O. SALMAS. de M. V. p. 230. *t*) Phil. II, 39.
u) de M. V. p. 230. *x*) Astron. V, 318. *y*) de Pic. Ver. p. 272. Sed cf. BENTL. ad Manili locum. *z*) l. 34. D. de iur. dot. *a*) Explicat hanc L. CRIAC. Obf. V, 39.

Hic praetor necessario aliquid praeceperat de dote, quid praediatricibus in eam iuris esset: Quamquam illud quid fuerit, ignoramus. Si quae vero lites hinc orirentur, eas apud praetorem aetas esse, facile intelligitur.

§. XIV.

An et sub Imperatoribus hoc Ius fuerit?

Et haec quidem mihi ratio iuris praediatricii fuisse videtur. Vna adhuc quaestio superest, de qua aliquid dicendum, cur eius iuris, cum praecipue priuatum fuerit, nulla mentio fiat in nostris iuris ciuilibus libris. Quid? quod ne vocabula quidem praedum et praediatricorum vlllo loco nisi in supra memorata inscriptione cari, inueniantur. Facile perspicitur, necesse esse, vt totum ius tum exspirarit, cum libri Iuris ciuilibus componerentur, vel quod res in qua versaretur, abolita, vel quod immutata esset. Etenim *multa dici* desuit. Neque eiusmodi iudicia publica v. c. repetundarum, residuorum etc. neque eo modo exercita sunt. Illae vero redemptiones vectigalium populi R. partim non amplius factae sunt, partim alia ratione. Decumanorum genus et omnino tota Decumarum natio statim ab Augusti inde temporibus cessauit, cum non decumae amplius indictae, sed pro modo agrorum definita frumenti mensura prouinciis imperaretur. Quorsum etiam canon aliquis confectus frumentarius, quo, quantum, quaeque prouincia quotannis praestare deberet, descriptum erat. *a).* Pascua vero, quae in prouinciis quondam publica censebantur, ab Imperatoribus occupata et eorum redditus in fiscum redacti *b).* Vectigalium denique cura translata ad quosdam magistratus pro Imperatorum libidine. Et quidem in prouinciis ordinaria pertinebat ad munera procuratorum Caesaris: sed instituti

DIONE d): cum post pugnam Pharsalicam in Asiam traiecisset. τὰς γὰρ τελώνας πικρώτατα σφίσι (nempe Asiaticis) χρωμένους ἀπαλάλαζας, ἐς Φόρε συντέλειαν τὸ συμβαῖνον ἐκ τῶν τελῶν κατέστησato. Quin iam Sulla illud fecerat in Asia teste CICERONE in nobilissima epistola e): *Nomen publicani aspernari non possunt, qui pendere ipsi vectigal sine publicano non potuerunt quod iis aequaliter Sulla descripserat. Non esse autem leniores in exigendis vectigalibus Graecos, quam nostros publicanos, hinc intelligi potest: quod Caunii nuper omnesque ex insulis, quae erant ab Sulla Rhodiis attributae, confugerunt ad senatum, nobis ut potius vectigal, quam Rhodiis penderent. Quae hic euenisse CICERO testatur, eadem metuebant Romani in constituenda prouincia Macedonia f).* LIVIUS: *metalli quoque Macedonici, quod ingens vectigal erat, locationesque praediorum rusticorum tolli placebat: nam neque sine publicano exerceri posse; et ubi publicanus est, ibi aut ius publicum vanum (h. imminuntur vectigalia reipublicae) *, aut libertatem sociis nullam esse. Ne ipsos quidem Macedonas exercere posse, ubi in medio praeda administrantibus esset, ibi nunquam causas seditionum et certaminis defore. Neque vero mirum videri debet, istam vectigalia locandi rationem Imperatoribus minus placuisse. Ut enim infamem fuisse publicanorum acerbiter non memorem g), neque etiam conuenit satis regiae potestati, esse, quorum in manu reditus imperii, illi tamquam nerui dignitatis regiae, sunt, quique fructus ex vectigalibus, qui ei competant, apud quem summa rei est, capiat. Contra reipubl. et libertati ea ratio valde accommodata, valdeque utilis fuit, atque etiam decebat. Quid enim magis pro dignitate reipubl. quam eam ciuibus suis liberaliter de commodis suis quidquam impertire? Quid ei ciuium animos magis conciliare et vehementius deuincire poterat, quam si, tanquam ab alma matre, ab ea peterent, quo dignitatem suam, quo*

d) lib. XLII. p. 212. ed. Sreph.

e) ad Q. fr. I, 1, 11.

f) Liv. XLI, 18.

g) cf. CREVIER ad lv. g) v. L. 12. D. de public. et Comment. in ead. L. §. 3. Publicani dicuntur, qui vectigalia publica habent coniuncta legendum: Conducta cf. L. 1, §. 1. L. 16. D. de V. S.

familiam tuerentur? Et praeterea, quod POLYBIUS sollertia subiicit in nobilissimo loco *b*), nulla ars efficacior erat ad obnoxiam reddendam plebem senatui, cum in huius manu esse vestigalia, in his sibi ab eo inultum noceri, multum se iuuari posse videret. *εχει δὲ περὶ πάντων τῶν περιεχημένων* (dixerat de vestigalibus) *τὴν κίριαν τὸ συνέδριον, καὶ γὰρ χρέον δάνα καὶ συμπλήματος γενομένα καφίστα, καὶ τὸ παράπαν ἀδυνάτα τινὲς συμβάλλοντες, ἀπελίσσας τῆς ἐργωνίας.* Verum statu reipubl. immutato, aliis consiliis, aliis rationibus, obsequendum erat. Itaque abolita maximam partem vestigalium locatio; quae remansere aut quae in eorum locum inductae *i*) alia ratione administrari consueverunt. Sed de his diligentius agere, temporis et spatii, quod huic scriptionum generi definitum, angustia impedit. Alius fortasse *σὺν Θεῷ* locus erit de praediatis et praedicatoribus sub Impp. tum priorum seculorum, tum extremorum copiosius disputandi, simulque subiiciendi ea, quae in Graecis Oratoribus vel his similia obseruati, vel quae his aliquam lucem affundere possint:

Quod si interciderit mihi nunc aliquid, repetam mox.

b) VI, 15.

i) v. L. 16. §. 7. D. de Public.



PRAENOBILISSIMO DOCTISSIMOQUE
DISSERTATIONIS AVCTORI

S. D. P.

PRAESES

*Q*uod ad me potissimum Disputationem Tuam de Iure Praedictorio detulisti, meque in ea publice tuenda TIBI, voluisti, adesse, HERNI, Vir Doctissime, animoque meo carissime: in eo agnoui, avarique, cognitum mihi quidem et perspectum, sed tamen dulcem et optatum semper amorem Tuum. Neque mihi incunctius quidquam aut suavius contingere poterat, quam esse me debere cum, qui TE in locum amplissimum, et auctoritatis plenissimum, deduceret, ubi Tuarum laudum gloria, me teste, et comite, clarissime esset resonatura: cum in primis semper e Tua laude maximam voluptatem ceperim. Cum vero ad ipsam Disputationem legendam accessissem, longe maiorem cepi voluptatis laetitiaeque fructum. Nam quamquam antea, et usu adsiduo, et meis de Iure tam civili quam ecclesiastico commentationibus, mirificam in TE Ingenii venustatem, doctrinae, in graecis latinisque litteris et iure universo, elegantiam, animique ad omne genus laudis praesantiam cognoveram ac perspexeram: tamen hoc insigni Tuo specimine omnes istae virtutes mihi maiores atque splendidiore apparuerunt. Ac primum delegisti e iure antiquo caput eiusmodi, quod cum obscurum esset, ac perdifficile, tum magnam elegantiae litterarum copiam desideraret in eo, qui illud sibi explicandum illustrandumque sumisset. In eo vero exponendo illustrandoque ita es versatus, ut intelligere quilibet possit, TE, ad discendam parandamque Iuris Civilis scientiam, regia via incesse, instructu omnium litterarum paratum: utque in eo Tuam elegantiam, et eruditionis varietatem, testatam probatamque omnibus relinquis: ac sic denique Spei Venerabilis SEYDELII, nutritoris TUI, ac votis cumulate satisfacias. In quo si, quod facies, perrexeris non dubium est, quin magna aliquando et TIBI, et litteris, et reip. ornamenta sis additurus. Cuius spei, cum ipse plurimas alias habeo cautiones, tum res litterariae ac publicae habet hanc Disputationem Tuam, qua, tamquam praedio aliquo, ac pignore certo, ita ei de Tua fide cautum esse existimo, ut etiam ipse, hoc nomine, fidem meam, pro sponsore ac praede, obligare non dubitem. Ceterum Mi Carissime HERNI hoc tam insigne Tuae eruditionis specimen TIBI, Venerabili SEYDELIO autem hunc curae suae, atque in TE benevolentiae tam dulcem fructum, vehementer, pro meo erga TE amore, gratulor: optoque, ut omnia coepa, in primis autem hic ex Academia discessus, bene feliciterque TIBI eveniant. Vale, meque amantem Fui, quod facis, ama. Scribebam Lipsiae d. VIII. Apr. cl. lxxx LII.